

50

E desplaisir que J'ay de tes maulx te
seroit satisfaction pour Iceulx mesmes
si tu croioys combien Il est grant / et cela
seul tu prandrois pour queredon sans
autre chose me demander combien que ce fust petit
paiement selon que tu merites enuers moy. Et le
quel te donnerois comme Je suis bien tenue si tu
demandois de mes biens et Richesses comme tu fais
mon honneur Je ne te Respondray a toutes les parties
de ta Lettre pource que au scauoir seullement que
te scriptz *L*esang sen fuit *D*e mon cueur / et la Rai-
son de l'entendement. Chose aucune de ce que tu dis
ne me faict consentir ton mal / si nest ma lonte seule
Certainement Je ne suis douteuse de ta peine Car
peril ou tu te es mis apporte tesinoignage de ce q'as
soufert / tu dis que Jamais ne me fais seruire. Et Je te
Responde que ce que as faict p^o moy me oblige a tous
iours mais ne loublier / et de desirer de ten satisfaire
non selon ton desir mais selon mon honestete *L*a
vertu la peine / et la compassion que pensois que te
aidassent enuers moy encores quilz soient agrea-
bles a ma condition de *L*a sorte q' les veulx employer
sont ennemis de ma fame. Et pourcela les as trou-
ues contraires / quant J'estoie en la prison tu sauluas
ma vie / et aeste heure que suis deliuree *L*a cerches
comdempner. Si tant d'affection me portes plus
tost deuroye voulloir ta peine avec mon honneur
que ton Remede avec ma coulp^e Ne croy point
que de p^u tant saintement viuent *L*e gens
sachans que te eusses parle Jugeassent noz In-
tencions claires et nettes car nous sommes en vng
temps tous tristes et mauuais que plus prest se